



SEBAHAGIAN daripada 700 warga Universiti Malaysia Pahang (UMP) mengadakan perarakan sempena sambutan Maulidur Rasul di Gambang, kelmarin.

UMP adakan perarakan sambut Maulidur Rasul

KUANTAN 29 Jan. - Sebanyak 700 warga Universiti Malaysia Pahang (UMP) mengadakan perarakan sempena sambutan Maulidur Rasul peringkat universiti itu yang berlangsung di kampus Gambang di sini semalam.

Program itu bertujuan meraikkan keputeraan Rasulullah SAW yang dianjurkan Pusat Islam dan Pembangunan Insan (Pimpin) dengan kerjasama Pejabat Naib Canselor (PNC).

Sebanyak 27 kontinjen mewakili jabatan dan fakulti diketuai Naib Canselor UMP, Prof. Datuk Dr. Daing Nasir Ibrahim itu berkumpul di Kompleks Sukan UMP dan berarak sejauh dua kilometer menuju ke masjid universiti kampus berkenaan.

Beberapa aktiviti turut diadakan

seperti persembahan Qasidah daripada Kumpulan Dervish Mawlid Ensemble dan doa selamat.

Daing Nasir ketika berucap dalam program itu berkata, sambutan Maulidur Rasul perlu disertai dengan kesedaran tulen mengikut sunnah Rasulullah SAW dalam setiap lapangan kehidupan dan bukan sekadar upacara semata-mata.

"Inilah hakikat perlunya dilakukan warga UMP supaya pelaksanaan Pelan Strategik UMP 2011-2015 diisi dengan inisiatif serta komitmen yang digerakkan secara kolektif dan bertanggungjawab.

"Dengan semangat wasatiyyah, saya berharap semua warga universiti membina kecemerlangan UMP berasaskan keutamaan yang telah digariskan," katanya.